



Inatsisartunut ilaasortaq
Aqqaluaq B. Egede
Inuit Ataqtigijt

Efterskolit pillugit § 37 naapertorlugu apeqqummut nr. 187-imut akissuteqaat.

Asasara Aqqaluaq B. Egede

Inuusuttortatta efterskolertarnerat pillugu apeqquteqaatinnut Naalakkersuisut qutsavigaatsit.

Aallaqqaasiullugu Naalakkersuisut apeqqutit 1-3 ataatsimut akissuteqarfigissavaat:

1. Nunatsinni Qallunaat Nunaannilu efterskolerniarlutik qassit qinnuteqartarpat, qassillu akuerineqartarpat.
2. Nunatsinni efterskolertitsinermit qassinik atuartoqarsinnaava?
3. Qallunaat Nunaanni qassit efterskolertarpat?

Apeqqutinut 1-3 ataatsimut akissut:

2014 ilanngullugu efterskolinit qinnuteqartut akuerineqartullu pillugit paasissutissat tabelinngorlugit § 37 naapertorlugit apeqqummut nr. 97-imut 2014-imi akissutitut nassiunneqarnikuupput. Ataani tabelimi paasissutissat kisitsisinik 2015-imeersunik ilaneqarsimapput.

Efterskoli Villads Villadsenimut aamma Maniitsumi efterskolimut ukiuni 2011-2015 qinnuteqartut imaassimapput:

| Efterskoli Villads Villadsen | 2011 | 2012 | 2013 | 2014 | 2015 |
|-------------------------------|------|------|------|------|------|
| Qinnuteqartut amerlassusaat | 163 | 171 | 184 | 154 | 127 |
| Akuerineqartut amerlassusaat | 80 | 80 | 80 | 80 | 80 |
| Itigartitaasut amerlassusaat* | 83 | 91 | 104 | 74 | 47 |

| Maniitsumi Efterskoli | 2011 | 2012 | 2013 | 2014 | 2015 |
|-----------------------------|------|------|------|------|------|
| Qinnuteqartut amerlassusaat | 156 | 96 | 79 | 85 | 101 |
| Akuerineqartut | 75 | 72 | 71 | 71 | 70 |

11-08-2015
Sagsnr.2015-6809
Dok. nr. 796596

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

| | | | | | |
|-------------------------------|--|---|---|---|----|
| amerlassusaat | | | | | |
| Itigartitaasut amerlassusaat* | | 4 | 2 | 9 | 31 |

Oqaatsinik Pikkorissarfimmit paasissutissat naapertorlugit Danmarkimi efterskolinut qinnuteqartut imaassimapput:

| Danmark | 2011 | 2012 | 2013 | 2014 | 2015 |
|-----------------------------|------|------|------|------|--------|
| Qinnuteqartut amerlassusaat | 313 | 328 | 355 | 324 | 276*** |
| AN-imi tapiissutit ** | 250 | 250 | 290 | 300 | 300 |
| Taperneqartut | 259 | 281 | 310 | 244 | 248*** |
| Itigartitaasut | 35 | 32 | 31 | 79 | 22 |
| Tunuartitsisut | 19 | 15 | 14 | 1 | 6 |

*Atuartut itigartitaasut utaqquisut allattorsimaffianut inissinneqartarput atuarnermillu unitsitsisoqaraangat tigutinnissamut neqeroorfigineqartarlutik.

**Aningaasanut inatsimmi tapiissutit = atuartut amerlassusaat.

*** Oqaatsinik Pikkorissarfiup ulloq 29. juni 2015 ilisimatitsissutaat. Atuartut akuerineqartut amerlassusaat misilittakkat naapertorlugit allannguallassinnaasarput atualinginnermi immikkut akuerineqarnissamut qinnuteqaateqartoqarsinnaasarmat.

4. Efterskolertitsisarnerup ineriartortittuarnissaanut Naalackersuisut qanoq pilersaaruteqarpat?

Akissut:

Naalackersuisut maannakkuugallartoq Kalaallit Nunaanni Danmarkimiluunniit efterskolernermi taperneqarnissamut periarfissat piusut allanngortissallugit pilersaarutiginngilaat.

5. Naalackersuisut efterskolertitsinermi akiliuteqartarnerup annikinnerulersinnissaanik pilersaaruteqarpat?

Akissut:

Naalackersuisut imaaliallaannarlutik aalajangersinnaanngillat angajoqqaat akiliutigisartagaat appartinneqassasut, Kalaallit Nunaanni Danmarkimilu efterskolit efterskolernermit akigititanik pituttorsimanatik unammilleqatigiinnikkut aalajangersaasinnaammata. Inatsisartulli ukiut tamaasa aningaasanut inatsimmi aalajangersarneqartartumi (konto 40.10.06, Kalaallit Nunaanni efterskolit ingerlanneqarnerinut tapiissutit aamma 40.10.12 efterskolit, tassunga ilaalluni kontonut pineqartunut marluusunut oqaasertaliussat) aaqqiissuteqassallutik toqqarsinnaavaat. Naalackersuisut aamma efterskolernermit tapiissutit (naalagaaffimmit tapiissutit) aaqqiissuteqarfisinnaanngilaat taakkua danskit oqartussaannit annertussusilerneqartarmata.

Namminersorlutik oqartussat Danmarkimi efterskolertunut tapiissutaat ullumikkut sapaatip akunneranut koruuninik 281-inik annertussuseqarput. Tapiissutit annertussusaat ukiorpaalunni allanngortinneqarnikuunngillat. Taassuma saniatigut ilaqutariinnut akissarsiakitsunut immikkut tapiissuteqarpoq qinnuteqarnikkut tapiissutisiffiusinnaasunik. Danskit efterskoliini sapaatip akunneranut akigitinneqartoq nalinginnaasumik 2200 koruunit, naalagaaffimmiit tapiissutit, efterskolernermut tapiissutit Namminersorlutillu Oqartussanit ilaqutariinnut akissarsiakitsunut immikkut tapiissutaat ilanngunnagit missaaniittarpoq. Tapiissutinut taaneqartunut tunngatillugu assersuutigalugu ilaqutariit nunatsinneersut 280.000 koruunit ataallugit akissarsiaqartut sapaatip akunneranut assersuutigalugu 300 koruuninik (ukiumut atuarfiusumut 12.600 missaani nalunaarnermut akiliut ilanngunnagu) Danmarkimi efterskolertitsinermi akiliissaassapput. Taamaalilluni Danmarkimi kalaaleq efterskolertoq efterskoleqatiminut danskiusunut sanilliulluni 28.600 koruunit missaanik akiliinikinnerussalluni. Kalaallit Nunaanni efterskolernermi sapaatip akunneranut akigitinneqartut tapiissutigineqartullu apeqqut 6-imut akissummi takuneqarsinnaapput.

Nunap aningaasaqarnerata inississimanagera eqqarsaatigalugu Naalakkersuisut efterskolertitsinermi tapiissutinut angajoqqaat akiliutaannik apparsaataasunik allannguinissamik maannakuugallartoq pilersaaruteqanngillat.

6. Isertitaqqortussuseq aallaavigalugu efterskolertitsinermi akiliuteqartoqartarpoq. Taakku isertitaqqortussusaat qanoq agguataarneqarpat 2014-2015 efterskolertitsinermi? Takusassianngorlugu qinnutigaara.

Akissut:

Naalakkersuisut aallaqqaasiullugu maluginiaqqaat ilaqutariit qinnuteqartut illoqatigiillutik aningaasarsiaat atuarnerminnillu unitsitsiinnartartut amerlassusaat ukiumiit ukiumut allanngorarsinnaasarmata. Akissummi kisitsisit atorneqartut taamaamat paasissutissat pissarsiarineqarsinnaasut tunngavigalugit missiliugaapput akiliutaasartunullu eqqoqqissaartumik takussutissiissutitut isigineqarsinnaanatik.

Atuartunut Kalaallit Nunaanni efterskolertunut, Maniitsumi efterskolimi aamma Efterskoli Villads Villadsenimi malitsigiisillugit ukiumi atuarfiusumi 2014/15-imi tapiissutit angajoqqaallu akiliutaasa agguataarsimaneri:

| Ukiumut aningaasarsiat | Sap. ak. tapiissutit | Sap. ak. akiliutit | Atuarut amerl. (ME*/EVV) |
|--------------------------------------|-----------------------------|---------------------------|---------------------------------|
| Gruppi I: 0 - 280.000 | 731 kr. | 0 kr. | 53/49 = 102 |
| Gruppi II: 280.001 - 340.000 | 531 kr. | 200 kr. | 6/12 = 18 |
| Gruppi III: 340.001 – 400.000 | 381 kr. | 350 kr. | 4/6 = 10 |

| | | | |
|-------------------------------------|----------------|----------------|------------------|
| Gruppi IV: 400.001 – 500.000 | 281 kr. | 450 kr. | 7/8 = 15 |
| Gruppi V: 500.000 – qummut | 0 kr. | 731 kr. | 10/5 = 15 |

*Efterskolit akiliutit pillugit ilisimatitsissutigisaat nalinginnaasumik akuerisaasimasunut utaqqisuniillu akuerineqarsimasunut tunngasuupput. Malugiuk Maniitsumi efterskoli ukiumut 72-inik atuortoqarsinnaammat. Atuartut 80-it nalunaarutigineqarsimanerannut peqqutaavoq allartittut 72-iusut akornanni siusissukkut taamaatiinnartoqarsimaneera. Tamassuma malitsigaa qulaani kisitat 5 % missaanik ukiumi atuarfiusumi atuartuutigineqartartunit amerlaneruneri. Tamanna kisitani ataaniittuni naqinneqarsimavoq.

Atuisut akiliutaat siuliani pineqartut ukiumi atuarfiusumi ataatsimi 1. mio. koruunit missaannik annertussuseqarput.

Naalackersuisut kalaallit atuartut danskit efterskoliini atuartuusut isertitaat naapertorlugit angajoqqaanik akiliutigineqartartut tamakkiisumik nalunaarsortanngilaat. Aningaasarsiat pillugit paasissutissat taamaallaat immikkut taperneqarnissamut qinnuteqartunit nassiunneqartartussaapput.

7. Maannakkut efterskolertitsinermi akiliutaasartut affaannangortinneqassappata qanoq naleqartigissava?

Akissut:

Soorlu apeqqummut 5-imut akissummi taaneqartoq Naalackersuisut imaaliillaannarlutik angajoqqaat akiliutaata qaffasissusia appartissinnaanngilaat. Efterskolernermit tapiissutaasartoq qaffatsinneqassasoq toqqarneqassappat angajoqqaat akiliutaat affaannangortillugu kisitassaq imatut isikkoqassaaq: (agguaqatigiisitsinikkut missiliuineq)

Danmarkimi atuartut ilaqtariinnit 280.000 koruunit ataallugit akissarsialinneersut ukiumut atuisutut akiliutissat 14.700 koruunit missaaniissapput, tassunga ilaallutik allatsinnermi akiliutissat 2.100 koruuniusut. Ukiuni atuarfiusuni kingullerni marlunni atuartut 60-it missaat ilaqtariinniit 280.000 koruunit ataallugu isertitalinneersut immikkut ittumik taperneqarnissamik qinnuteqartarsimapput.

Kisitsinermit assersuutini aallaavigineqarput atuartut Danmarkimi efterskolertut agguaqatigiisillugu ukiumut 217.000 koruuninik isertitalinnik angajoqqaartut (Kalaallit Nunaanni naatsersueqqissaartarfiup 2013-imi agguaqatigiisillugu isertitarineqartutut nalunaarutigisaa) aamma atuartut 280.000 koruunit sinnerlugit akissarsialinneersut (soorlu 300.000)

| | | |
|---|---------------------------------------|--|
| Ukiumut aningaasarsiat | 280.000 inorlugit (atuartut 60-it) | 280.000 sinnerlugit (atuartut 188-it) |
| Efterskolernerup akia *: Efterskolip X-ip sap. ak. akia: 2145 (*sap. ak 42-t) | 90.090 kr. | 90.090 kr. |

| | | |
|--|-------------------|---------------------|
| (Assersuut: Broby sportsefterskole) | | |
| Allatsinnermut akiliut: Efterskoli X | 2.100 kr. | 2.100 kr. |
| Aningaasarsiat tunngavigalugit naalagaaffimmiit tapiissutit ilanngaatigalugit: 1165 kr. * sap. ak. amerl. 42. | -48.930 kr. | -48.930 kr. |
| Namminersorlutik oqartussanit tapiissutit nalinginnaasut ilanngaatigalugit: 281 kr. * sap. ak. amerl 42. | -11.802 kr. | -11.802 kr. |
| Namminersorlutik oqartussanit angajoqqaanut 280.000 inorlugit akissarsialinnut immikkut tapiissutit: 400 kr. * sap. ak. 42. | -16.800 kr. | 0 |
| Efterskolernerup akia: | 14.658 kr. /7.329 | 31.458 kr. / 15.729 |

*Malugiuk Danmarkimi efterskolit assigiinngitsunik akeqarsinnaammata. Takuuk
<http://www.efterskole.dk/da/Schools/Price>

Angajoqqaat akiliutaannik affaannangortitsineq (280.000 ataallugit):
7.329 x 60= 439.740 kr.

Angajoqqaat akiliutaannik affaannangortitsineq (280.000 sinnerlugit):
15.729 x 188= 2.957.052 kr.

Qulaani naatsersueriaaseq atorlugu atuartunut Danmarkimi efterskolertunut angajoqqaat
akiliutaannik affaannangortitsineq, 2015-imi efterskolernissamut akueritittut 248-usut
aallaavigalugit naatsersugaq nunatta karsianut 3. mio. koruunit missaanik akeqassaaq.

Apeqqummut 6-imut akissummi ilisimatitsissutigineqartutut Kalaallit Nunaanni
efterskolertut atuisutut akiliutaat 1. mio. koruuniuvoq. Taassuma
affaannangortinneqarnera 0,5 mio. koruuninik akeqassaaq.

Kalaallit Nunaanni aamma Danmarkimi efterskolertunut angajoqqaat
akiliutigisartagaannik affaannangortitsineq taamaammat missiliorlugu 3,9 mio.
koruuninik inuiaqatigiinnut akeqassaaq.

Inussiarnersumik inuulluaqqusilluta
Med venlig hilsen

Nivi Olsen